



Broj: 02-04-2459-2/26
Sarajevo, 29.01.2026. godine

Na osnovu člana 26. i 28. stav (4) Zakona o Vladi Kantona Sarajevo („Službene novine Kantona Sarajevo“, broj: 36/14 - Novi prečišćeni tekst i 37/14 - Ispravka) Vlada Kantona Sarajevo, na **113.** sjednici održanoj **29.01.2026.** godine, donijela je

Z A K L J U Č A K

1. Utvrđuje se prijedlog Zakona o izmjenama i dopunama Zakona o ministarstvima i drugim organima uprave Kantona Sarajevo.
2. Predlaže se Skupštini Kantona Sarajevo da pretrese prijedlog Zakona iz tačke 1. ovog zaključka i da isti, u skladu sa članom 158. Poslovnika Skupštine Kantona Sarajevo („Službene novine Kantona Sarajevo“, broj: 41/12-Drugi novi prečišćeni tekst, 15/13, 47/13, 47/15, 48/16, 9/20, 14/20, 16/22, 17/22 - Ispravka i 47/24), donese po skraćenom postupku.
3. Ovaj zaključak stupa na snagu danom donošenja.

P R E M I J E R

Nihad Uk

Dostaviti:

1. Predsjedavajući Skupštine Kantona Sarajevo,
2. Skupština Kantona Sarajevo,
3. Zamjenici predsjedavajućeg Skupštine Kantona Sarajevo (3x),
4. Premijer Kantona Sarajevo,
5. Ministarstvo pravde i uprave Kantona Sarajevo,
6. Evidencija,
7. A r h i v a.

Na osnovu člana 18. stav (1) tačka b) i člana 30. stav (2) Ustava Kantona Sarajevo ("Službene novine Kantona Sarajevo" br. 1/96, 2/96, 3/96, 16/97, 14/00, 4/01, 28/04, 6/13 i 31/17) i člana 46. Zakona o organizaciji organa uprave u Federaciji Bosne i Hercegovine ("Službene novine Federacije Bosne i Hercegovine", broj 35/05), Skupština Kantona Sarajevo, na __. Radnoj sjednici održanoj dana __, donijela je

(PRIJEDLOG)

ZAKON
O IZMJENAMA I DOPUNAMA ZAKONA O MINISTARSTVIMA I DRUGIM
ORGANIMA UPRAVE KANTONA SARAJEVO

Član 1.

(Izmjena i dopuna člana 9.)

U Zakonu o ministarstvima i drugim organima uprave Kantona Sarajevo ("Službene novine Kantona Sarajevo", broj 40/22) u članu 9. u stavu (1), iza riječi: "stambenih objekata" interpunkcijski znak "tačka" se zamjenjuje interpunkcijskim znakom "zarez" i dodaju riječi: "izuzev upravnih i stručnih poslova iz nadležnosti Kantonalne uprave za komunalne poslove utvrđenih ovim zakonom i drugim propisima Kantona."

Član 2.

(Izmjena i dopuna člana 19.)

- (1) U članu 19. u tački a) veznik "i" se zamjenjuje interpunkcijskim znakom "zarez".
- (2) U tački b) interpunkcijski znak "tačka" se zamjenjuje veznikom "i".
- (3) Iza tačke b) dodaje se nova tačka c), koja glasi:
"c) Kantonalna uprava za komunalne poslove."

Član 3.

(Izmjena člana 20.)

U članu 20. stav (2) tačka n) se briše.

Član 4.

(Novi član 21a.)

Iza člana 21. dodaje se novi član 21a. koji glasi:

"Član 21a.

(Djelokrug Kantonalne uprave za komunalne poslove)

Kantonalna uprava za komunalne poslove vrši upravne i stručne poslove utvrđene zakonom i drugim propisima koji se odnose na ostvarivanje nadležnosti Kantona u oblasti vršenja komunalno inspekcijskih poslova i poslova komunalno policijske kontrole i druge upravne i stručne poslove, u skladu sa zakonom i drugim propisima."

Član 5.

(Početak rada Kantonalne uprave za komunalne poslove)

- (1) Kantonalna uprava za komunalne poslove počinje sa radom danom imenovanja direktora.
- (2) Direktor Kantonalne uprave za komunalne poslove imenovat će se u roku od tri mjeseca od dana stupanja na snagu ovog zakona.

Član 6.

(Preuzimanje poslova komunalne inspekcije iz Kantonalne uprave za inspekcijske poslove)

Danom početka primjene zakona kojim se uređuje rad komunalne policije Kantona Sarajevo Kantonalna uprava za komunalne poslove preuzima poslove komunalne inspekcije koji su bili u djelokrugu Kantonalne uprave za inspekcijske poslove.

Član 7.

(Preuzimanje kantonalnih komunalnih inspektora, državnih službenika i namještenika iz Kantonalne uprave za inspekcijske poslove)

Danom preuzimanja poslova iz člana 6. ovog zakona Kantonalna uprava za komunalne poslove preuzima kantonalne komunalne inspektore iz Kantonalne uprave za inspekcijske poslove, kao i državne službenike i namještenike čiji je posao neposredno vezan za poslove komunalne inspekcije.

Član 8.

(Preuzimanje arhive, dokumentacije i sredstava rada komunalne inspekcije iz sastava Kantonalne uprave za inspekcijske poslove)

Danom preuzimanja poslova iz člana 6. ovog zakona Kantonalna uprava za komunalne poslove preuzima arhivu, dokumentaciju i sredstva rada kantonalnih komunalnih inspektora koji se preuzimaju iz Kantonalne uprave za inspekcijske poslove.

Član 9.

(Obavljanje poslova komunalne inspekcije do preuzimanja u Kantonalnu upravu za komunalne poslove)

Do preuzimanja poslova komunalne inspekcije u Kantonalnu upravu za komunalne poslove u skladu sa članom 6. ovog zakona, kantonalni komunalni inspektori nastavljaju sa radom u okviru Kantonalne uprave za inspekcijske poslove.

Član 10.

(Donošenje i usklađivanje pravilnika o unutrašnjoj organizaciji)

- (1) U roku od 60 dana od početka rada direktor Kantonalne uprave za komunalne poslove dužan je donijeti pravilnik o unutrašnjoj organizaciji Kantonalne uprave za komunalne poslove.
- (2) U roku od 60 dana od dana preuzimanja poslova komunalne inspekcije u Kantonalnu upravu za komunalne poslove, direktor Kantonalne uprave za inspekcijske poslove dužan je uskladiti pravilnik o unutrašnjoj organizaciji Kantonalne uprave za inspekcijske poslove sa ovim zakonom.

Član 11.

(Stupanje na snagu)

Ovaj zakon stupa na snagu osmog dana od dana objavljivanja u "Službenim novinama Kantona Sarajevo".

Broj: _____
_____, 2025. godine
Sarajevo

Predsjedavajući
Skupštine Kantona Sarajevo
Elvedin Okerić, s. r.

O B R A Z L O Ž E N J E

I – PRAVNI OSNOV

Pravni osnov za donošenje ovog zakona sadržan je u odredbi člana 18. stav (1) tačka b) Ustava Kantona Sarajevo ("Službene novine Kantona Sarajevo" br. 1/96, 2/96, 3/96, 16/97, 14/00, 4/01, 28/04, 6/13 i 31/17) kojim je propisano da Skupština Kantona Sarajevo donosi zakone i druge propise u okviru izvršavanja nadležnosti Kantona, izuzev propisa koji su ovim Ustavom ili zakonom dati u nadležnost Vlade Kantona, kao i u odredbi člana 30. stav (2) Ustava kojom je propisano da se zakonom Kantona, u skladu sa načelima i principima organizacije uprave, utvrđuje ukupna organizacija kantonalne uprave. Pravni osnov je sadržan i u odredbi člana 46. Zakona o organizaciji organa uprave u Federaciji Bosne i Hercegovine ("Službene novine Federacije Bosne i Hercegovine", broj 35/05) kojom je propisano da kantonalni organi uprave i kantonalne upravne organizacije osnivaju se i ukidaju i njihov djelokrug utvrđuje kantonalnim zakonom o organizaciji i djelokrugu kantonalnih organa uprave i upravnih organizacija, u skladu sa ovim zakonom i kantonalnim zakonom.

II – RAZLOZI DONOŠENJA

Donošenje Zakona o izmjenama i dopunama Zakona o ministarstvima i drugim organima uprave nije predviđeno Programom Vlade Kantona Sarajevo za 2025. godinu. Zaključkom Vlade Kantona Sarajevo broj 02-04-29617-56/24 od 23.05.2024. godine prihvaćen je Izvještaj o radu komisije za pregled, analizu i konačno usaglašavanje teksta prijedloga Zakona o komunalnoj policiji Kantona Sarajevo. Tim Izvještajem predloženo je da se prema Skupštini Kantona Sarajevo zajedno upute dva materijala, od kojih bi prvi materijal bio izmjena i dopuna Zakona o ministarstvima i drugim organima uprave Kantona Sarajevo ("Službene novine Kantona Sarajevo", broj 40/22) i kao drugi materijal prijedlog Zakona o komunalnoj policiji Kantona Sarajevo.

Zakon o ministarstvima i drugim organima uprave Kantona Sarajevo (u daljem tekstu: Zakon) je organizacijski zakon kojim se osnivaju organi uprave i upravne organizacije Kantona Sarajevo, utvrđuje njihov djelokrug i uređuju druga pitanja od značaja za njihovo organizovanje i funkcionisanje. S obzirom na to da je odredbama prijedloga Zakona o komunalnoj policiji Kantona Sarajevo predviđena uspostava Kantonalne uprave za komunalne poslove kao samostalne kantonalne uprave i njen djelokrug, Ministarstvo pravde i uprave je pristupilo izradi prijedloga Zakona o izmjeni i dopunama Zakona o ministarstvima i drugim organima uprave Kantona Sarajevo kako bi se propisalo osnivanje Kantonalne uprave za komunalne poslove i njen djelokrug rada, a sve shodno odredbama Prijedloga Zakona o komunalnoj policiji Kantona Sarajevo kao materijalno-pravnog propisa u skladu sa kojim će Kantonalna uprava za komunalne poslove obavljati svoje poslove.

Kako se radi o izmjenama i dopunama Zakona koje se vrše radi usklađivanja, a uslijed potrebe osnivanja nove samostalne uprave - Kantonalne uprave za komunalne poslove, kojim se u organizacijskom zakonu uspostavlja nova samostalna uprava, koja je predviđena prijedlogom Zakona o komunalnoj policiji Kantona Sarajevo kao materijalnog propisa, smatramo opravdanim prijedlog za donošenje Zakona o izmjenama i dopunama Zakona o ministarstvima i drugim organima uprave Kantona Sarajevo po skraćenom postupku.

Prijedlogom Zakona o izmjenama i dopunama Zakona propisan je i početak rada Kantonalne uprave za komunalne poslove i preuzimanje državnih službenika, arhive, dokumentacije i sredstava rada komunalne inspekcije iz sastava Kantonalne uprave za inspekcijske poslove.

U postupku pripreme prijedloga Zakona, ovo ministarstvo je pribavilo mišljenje Ministarstva finansija Kantona Sarajevo, broj: 08/03-02-49843/25 od 20.10.2025. godine, mišljenje Ureda za zakonodavstvo Vlade Kantona Sarajevo, broj: 09-02-49857/25 od 17.10.2025. godine, na koje je ovo ministarstvo Uredu za zakonodavstvo dostavilo Izjašnjenje, broj: 03-04/2-02-48362/25 od

30.10.2025. godine. Na navedeno izjašnjenje Ured za zakonodavstvo je dostavio Odgovor na izjašnjenje broj: 09-02-49857/25 od 03.11.2025. godine.

III – PRAVNA RJEŠENJA

Član 1. – Ovim članom se mijenja i dopunjuje član 9. stav (1) na način da se dodaju riječi: "izuzev upravnih i stručnih poslova iz nadležnosti Kantonalne uprave za komunalne poslove utvrđene ovim zakonom i drugim propisima Kantona."

Član 2. – Ovim članom se mijenja i dopunjuje postojeći član 19. tako što se dodaje nova tačka koja glasi: "c) Kantonalna uprava za komunalne poslove."

Član 3. – Ovim članom se mijenja postojeći član 20. stav (2) tako što se briše tačka n).

Član 4. – Ovim članom se iza postojećeg člana 20. dodaje novi član 21a. kojim se propisuje djelokrug Kantonalne uprave za komunalne poslove.

Član 5. – Ovim članom se propisuje početak rada Kantonalne uprave za komunalne poslove, i imenovanje direktora.

Član 6. – Ovim članom se propisuje preuzimanje poslova komunalne inspekcije iz Kantonalne uprave za inspeksijske poslove.

Član 7. - Ovim članom se propisuje preuzimanje kantonalnih komunalnih inspektora, državnih službenika i namještenika iz Kantonalne uprave za inspeksijske poslove.

Član 8. - Ovim članom se propisuje preuzimanje arhive, dokumentacije i sredstava rada komunalne inspekcije iz sastava Kantonalne uprave za inspeksijske poslove.

Član 9. - Ovim članom se propisuje obavljanje poslova komunalne inspekcije do preuzimanja u Kantonalnu upravu za komunalne poslove.

Član 10. - Ovim članom se propisuje donošenje i usklađivanje pravilnika o unutrašnjoj organizaciji.


Član 11. – Ovim članom se propisuje stupanje zakona na snagu.

IV – FINANSIJSKA SREDSTVA

Za provođenje ovog zakona nisu potrebna dodatna finansijska sredstva.

DONOŠENJE ZAKONA PO SKRAĆENOM POSTUPKU

Predlaže se donošenje zakona po skraćenom postupku, shodno odredbama člana 158. Poslovnika Skupštine Kantona Sarajevo („Službene novine Kantona Sarajevo”, broj 41/12-Drugi novi prečišćeni tekst, 15/13, 47/13, 47/15, 48/16, 9/20, 14/20, 16/22, 17/22 – Ispravka i 47/24), jer nije u pitanju složen i obiman zakon. Pored toga, radi se o izmjenama i dopunama Zakona uslijed osnivanja nove samostalne uprave - Kantonalne uprave za komunalne poslove, kojom se u organizacijskom zakonu uspostavlja nova samostalna uprava, a koju slijedi donošenje materijalnog Zakona - Zakona o komunalnoj policiji Kantona Sarajevo, te smatramo opravdanim prijedlog za donošenje Zakona o izmjenama i dopunama Zakona o ministarstvima i drugim organima uprave Kantona Sarajevo po skraćenom postupku.



4857

04/2

Bosnia and Herzegovina
Federation of Bosnia and Herzegovina

CANTON SARAJEVO
Ministry of Finance

Bosna i Hercegovina
Federacija Bosne i Hercegovine
KANTON SARAJEVO

Broj: 08/03-02-49843/25 NB
Sarajevo, 20.10.2025. godine

KANTON SARAJEVO
MINISTARSTVO PRAVDE I UPRAVE

PRIMLJENO		30-10-2025	Broj priloga
Organizaciona jedinica	Klasifikacija oznaka		
03	02	48362-2	

31-10-2025

Predmet: Mišljenje na Prijedlog zakona o izmjenama i dopunama Zakona o ministarstvima i drugim organima uprave Kantona Sarajevo;

Veza: Vaš dopis br.: 03-04/2-02-48362/25 od 10.10.2025. godine.

Vezano za Vaš zahtjev za mišljenje na Prijedlog zakona o izmjenama i dopunama Zakona o ministarstvima i drugim organima uprave Kantona Sarajevo, u skladu sa članom 8. Pravilnika o proceduri za izradu izjave o fiskalnoj procjeni zakona, drugih propisa i akata planiranja na budžet („Službene novine Federacije BiH“, br. 34/16 i 15/18), dajemo sljedeće mišljenje:

Ministarstvo pravde i uprave Kantona Sarajevo je postupilo u skladu sa navedenim Pravilnikom i Ministarstvu finansija uz Prijedlog zakona dostavili na mišljenje popunjen i potpisan obrazac IFP-NE u kojem je data sljedeća izjava: „Za provođenje ovog zakona nisu potrebna dodatna finansijska sredstva iz Budžeta Kantona Sarajevo“.

Obzirom da za provođenje Prijedloga zakona nisu potrebna dodatna sredstva iz Budžeta Kantona Sarajevo, na navedeni Prijedlog zakona o izmjenama i dopunama Zakona o ministarstvima i drugim organima uprave Kantona Sarajevo, Ministarstvo finansija, sa aspekta fiskalnog učinka na Budžet, nema primjedbi.

Ovo mišljenje je dato u skladu sa odredbama Prijedloga zakona koji se obrađuje i podataka navedenih u Obrascu IFP-NE Izjave o fiskalnoj procjeni, čija tačnost je u isključivoj odgovornosti Predlagača, te ukoliko se naknadno utvrdi da navedene odredbe i podaci odstupaju od stvarno činjeničnog stanja, ovo mišljenje će se staviti van snage.



MINISTAR

Kalamujić

Dostaviti:

- ① Naslovu
2. MF – Sektor za budžet i fiskalni sistem
3. a/a

Pripremio:

Kontrolisali:



OBRAZAC IZJAVA O FISKALNOJ PROCJENI

Obrazac IFP NE

A 1. Obrađivač propisa

	KOD	NAZIV
Razdjel	1201	Ministarstvo pravde i uprave Kantona Sarajevo

B 2. Osnovni podaci o prijedlogu propisa

Vrsta propisa/akta	Zakon	DA	Odluka	NE	Strategija	NE
	Uredba	NE	Drugi akti	NE	Drugi akti planiranja	NE
Naziv propisa/akta	Prijedlog Zakona o izmjenama i dopunama Zakona o ministarstvima i drugim organima uprave Kantona Sarajevo					

C 3. Izjava o nepostojanju dodatnih fiskalnih efekata predloženog propisa

Za provođenje ovog zakona nisu potrebna dodatna finansijska sredstva iz Budžeta Kantona Sarajevo.

D 4. Pečat i potpis odgovornog lica

Ministrica Darja Softić Kadenić

Mjesto i
datum

Sarajevo, 10.10.2025. godine





21-10-2025

20-10-2025

Broj: 09-02-49857/25
Sarajevo, 17.10.2025. godine

KANTON SARAJEVO
MINISTARSTVO PRAVDE I UPRAVE

20-10-2025

03 02 48362-1

PREDMET: Mišljenje na prijedlog Zakona o izmjenama i dopunama Zakona o ministarstvima i drugim organima uprave Kantona Sarajevo.-

Na osnovu člana 3. stav (1) tačka b) Uredbe o osnivanju Ureda za zakonodavstvo Vlade Kantona Sarajevo ("Službene novine Kantona Sarajevo", broj 20/23) i člana 4. Uredbe o postupku i načinu pripremanja, izrade i dostavljanja propisa ("Službene novine Kantona Sarajevo", broj: 50/17-Drugi novi prečišćeni tekst, 2/18-Ispravka i 32/22), Ured za zakonodavstvo Vlade Kantona Sarajevo, daje sljedeće

MIŠLJENJE

1. Pravni osnov za donošenje Zakona o ministarstvima i drugim organima uprave Kantona Sarajevo sadržan je u odredbama čl. 18. tačka b) i 30. stav (2) Ustava Kantona Sarajevo ("Službene novine Kantona Sarajevo", br. 1/96, 2/96 - Ispravka, 3/96 - Ispravka, 16/97, 14/00, 4/01, 28/04, 6/13 i 31/17), kojima je utvrđeno da je Skupština Kantona Sarajevo nadležna da donosi zakone i druge propise iz nadležnosti Kantona Sarajevo, izuzev propisa koji su Ustavom ili zakonom dati u nadležnost Vlade Kantona Sarajevo i da se zakonom Kantona Sarajevo, sukladno načelima i principima organizacije uprave, utvrđuje ukupna organizacija kantonalne uprave.

Prijedlog Zakona o izmjenama i dopunama Zakona o ministarstvima i drugim organima uprave Kantona Sarajevo (u daljem tekstu: Zakon) uređuje pitanja iz čl. 9., 19. i 20. Zakona o ministarstvima i drugim organima uprave Kantona Sarajevo („Službene novine Kantona Sarajevo“, broj 40/22) i propisuje novi član 21a., kojim se reguliše djelokrug Kantonalne uprave za komunalne poslove.

S obzirom da je predmet prijedloga Zakona osnivanje novog organa uprave, odnosno Kantonalne uprave za komunalne poslove, a imajući u vidu da je na prijedlog Zakona o komunalnoj policiji Ured za zakonodavstvo Vlade Kantona Sarajevo (u daljem tekstu: Ured) dana 03.10.2025. godine dao mišljenje, broj: 09-02-47464/25, Ured smatra da za pitanja sadržana u prijedlogu Zakona koja se odnose na vrstu poslova i vršenje istih od strane Kantonalne uprave za komunalne poslove treba riješiti prethodno pravno pitanje sadržano u prijedlogu Zakona o komunalnoj policiji, od kojeg zavisi koje poslove će vršiti Kantonalna uprava za komunalne poslove.

2. Dostavljeni materijal je pripremljen u skladu sa Uredbom o postupku i načinu pripremanja, izrade i dostavljanja propisa ("Službene novine Kantona Sarajevo", broj: 50/17- Drugi novi prečišćeni tekst, 2/18- Ispravka i 32/22), te se isti može razmatrati na jednoj od narednih sjednica Vlade Kantona Sarajevo.

Dostaviti:

1. Naslovu
2. Evidencija
3. Arhiva



ŠEF UREDA

Elma Becirovic



Broj: 03-04/2-02-48362-2/25
Sarajevo, 30.10.2025. godine

**URED ZA ZAKONODAVSTVO
VLADE KANTONA SARAJEVO**
gđa Elma Bećirović, šef Ureda

PREDMET: Izjašnjenje na mišljenje na prijedlog Zakona o izmjenama i dopunama Zakona o ministarstvima i drugim organima uprave Kantona Sarajevo, dostavlja se –

VEZA: Vaš akt, broj: 09-02-49857/25 od 17.10.2025. godine

U skladu sa odredbama Uredbe o postupku i načinu pripremanja, izrade i dostavljanja propisa („Službene novine Kantona Sarajevo“, br. 50/17-Dруги нови преčišćени текст, 2/18-Ispravka i 32/22) (u daljem tekstu: Uredba), dostavili ste ovom ministarstvu mišljenje na prijedlog Zakona o izmjenama i dopunama Zakona o ministarstvima i drugim organima uprave Kantona Sarajevo (u daljem tekstu: prijedlog Zakona), u kojem ste u tački 1. mišljenja naveli pravni osnov za donošenje prijedloga Zakona, zatim da prijedlog Zakona uređuje pitanja iz čl. 9., 19. i 20. Zakona o ministarstvima i drugim organima uprave Kantona Sarajevo („Službene novine Kantona Sarajevo“, broj 40/22). Dalje u istoj tački mišljenja navodite da je na prijedlog Zakona o komunalnoj policiji Ured za zakonodavstvo Vlade Kantona Sarajevo (u daljem tekstu: Ured) dana 03.10.2025. godine dao mišljenje, broj: 09-02-47464/25, te da smatrate da „za pitanja sadržana u prijedlogu Zakona koja se odnose na vrstu poslova i vršenje istih od strane Kantonalne uprave za komunalne poslove treba riješiti prethodno pravno pitanje sadržano u prijedlogu Zakona o komunalnoj policiji, od kojeg zavisi koje poslove će vršiti Kantonalna uprava za komunalne poslove.“

S druge strane, u tački 2. mišljenja navodite da je dostavljeni materijal pripremljen u skladu sa Uredbom, te da se isti može razmatrati na jednoj od narednih sjednica Vlade Kantona Sarajevo.

S tim u vezi, Ministarstvo pravde i uprave dostavlja sljedeće izjašnjenje:

Ministarstvo pravde i uprave je kao nosilac izrade Zakona o ministarstvima i drugim organima uprave Kantona Sarajevo („Službene novine Kantona Sarajevo“, broj 40/22) pristupilo izradi prijedloga Zakona, a iz razloga navedenih u obrazloženju koje je dostavljeno Uredu uz prijedlog Zakona. Vezano za primjedbu ili prijedlog koji se odnosi na „prethodno pravno pitanje sadržano u prijedlogu Zakona o komunalnoj policiji“, u predmetnom mišljenju nije naznačeno na koje se konkretno pitanje ili član prijedloga Zakona navedeni stav Ureda odnosi, niti je Ministarstvu dostavljeno mišljenje broj: 09-02-47464/25 na koje se Ured poziva. Bez uvida u navedeno mišljenje i bez jasnog obrazloženja o čemu se tačno radi, Ministarstvo pravde i uprave ne raspolaže relevantnim informacijama na osnovu kojih bi moglo postupiti u skladu s datim mišljenjem ili izvršiti eventualne korekcije teksta prijedloga Zakona.

S tim u vezi, a s obzirom na predmet Zakona o ministarstvima i drugim organima uprave Kantona Sarajevo kojim se osnivaju organi uprave i upravne organizacije i utvrđuje njihov djelokrug, prijedlogom Zakona propisan je djelokrug, odnosno vrsta poslova koje vrši Kantonalna uprava za komunalne poslove u skladu sa prijedlogom Zakona o komunalnoj policiji Kantona Sarajevo. Prilikom izrade pravnih rješenja utvrđenih u prijedlogu Zakona, ovo ministarstvo je imalo u vidu pravna rješenja sadržana u prijedlogu Zakona o komunalnoj policiji Kantona Sarajevo, koji je dostavljen na mišljenje ovom ministarstvu u skladu sa odredbama Uredbe.

Dodatno, u tački 2. mišljenja navodi se da je dostavljeni materijal pripremljen u skladu sa Uredbom i da se može razmatrati na jednoj od narednih sjednica Vlade Kantona Sarajevo. Takav zaključak je u suprotnosti s navodima iz tačke 1. predmetnog mišljenja, jer ako postoji neriješeno „prethodno pravno pitanje“ koje uslovljava dalje postupanje, onda prijedlog Zakona ne može istovremeno biti ocijenjen kao spreman za razmatranje. Ovakva kontradiktornost stvara nejasnoću kako u pogledu sadržine samog mišljenja, tako i u pogledu daljih koraka u proceduri.

S obzirom na navedeno, Ministarstvo pravde i uprave ukazuje da, zbog nepreciznosti i međusobne suprotnosti navoda iz mišljenja, nije jasno na koji način dalje postupiti u odnosu na prijedlog Zakona. Posebno, nije jasno da li se mišljenje Ureda može smatrati saglasnošću za upućivanje prijedloga Zakona na sjednicu Vlade Kantona Sarajevo ili bi prethodno trebalo provesti dodatne radnje na rješavanju neodređenog „pravnog pitanja“ koje se spominje. Ovakav pristup u davanju mišljenja otežava nastavak zakonodavnog postupka i stvara pravnu nesigurnost u pogledu postupanja organa koji utvrđuje prijedlog Zakona.

U cilju otklanjanja navedenih nejasnoća, Ministarstvo pravde i uprave traži pojašnjenje tačke 1. predmetnog mišljenja i dostavu kopije mišljenja broj: 09-02-47464/25 na prijedlog Zakona o komunalnoj policiji Kantona Sarajevo, kako bi se moglo odlučiti o daljem postupanju po prijedlogu Zakona.

S poštovanjem,

Dostaviti:

1. Naslovu;
2. a/a.



Darja Softić Kadenić



03 -11- 2025 04 -11- 2025

Bosna i Hercegovina
Federacija Bosne i Hercegovine
KANTON SARAJEVO

PRIMLJENO	03 -11- 2025
Organizaciona jedinica	02
Broj priloga	48362-4

Broj: 09-02-49857-1/25
Sarajevo, 03.11.2025. godine

KANTON SARAJEVO
MINISTARSTVO PRAVDE I UPRAVE

PREDMET: Odgovor na izjašnjenje.-

VEZA: Vaš akt, broj: 03-04/2-02-48362-2/25 od 30.10.2025. godine

Vezano za dostavljeno izjašnjenje, broj i datum iz veze, ovim putem napominjemo da je Ured za zakonodavstvo Vlade Kantona Sarajevo (u daljem tekstu: Ured) dana 17.10.2025. godine dao Mišljenje, broj: 09-02-49857/25, na prijedlog Zakona o izmjenama i dopunama Zakona o ministarstvima i drugim organima uprave Kantona Sarajevo (u daljem tekstu: Zakon), gdje Ured nije dao primjedbe na dostavljeni tekst prijedloga Zakona koje bi zahtjevale naknadno izjašnjenje nosioca pripreme predmetnog materijala, kao ni davanje konačnog mišljenja od strane Ureda.

Međutim, obzirom da tražite pojašnjenje u dostavljenom izjašnjenju, Ured ističe da je dana 03.10.2025. godine dao Mišljenje, broj: 09-02-47464/25, na prijedlog Zakona o komunalnoj policiji Kantona Sarajevo, gdje do danas Ured nije zaprimio izjašnjenje od strane nosioca pripreme predmetnog materijala, kako je traženo u skladu sa odredbama Uredbe o postupku i načinu pripremanja, izrade i dostavljanja propisa ("Službene novine Kantona Sarajevo", broj: 50/17-Drugi novi prečišćeni tekst, 2/18-Ispravka i 32/22), da bi Ured mogao dati konačno mišljenje.

U Mišljenju, broj: 09-02-49857/25 od 17.10.2025. godine, navedeno je da za pitanja sadržana u prijedlogu Zakona koja se odnose na vrstu poslova i vršenje istih od strane Kantonalne uprave za komunalne poslove treba riješiti prethodno pravno pitanje sadržano u prijedlogu Zakona o komunalnoj policiji Kantona Sarajevo, odnosno isto je potrebno preuzeti iz usvojenog zakona kojim se to pitanje definiše, a ne iz prijedloga zakona, uvažavajući činjenicu da isti još uvijek nije donesen.

S poštovanjem,

Dostaviti:

1. Naslovu
2. Evidencija
3. Arhiva





SLUŽBENE NOVINE

KANTONA SARAJEVO

Godina XXVII - Broj 40

Četvrtak, 6. 10. 2022. godine
SARAJEVO

ISSN 1512-7052

KANTON SARAJEVO

Skupština Kantona Sarajevo

Na osnovu člana 18. stav (1) tačka b) i člana 30. stav (2) Ustava Kantona Sarajevo ("Službene novine Kantona Sarajevo", br. 1/96, 2/96, 3/96, 16/97, 14/00, 4/01, 28/04, 6/13 i 31/17) i člana 46. Zakona o organizaciji organa uprave u Federaciji Bosne i Hercegovine ("Službene novine Federacije BiH", broj 35/05), Skupština Kantona Sarajevo, na 55. Radnoj sjednici održanoj dana 04.10.2022. godine, donijelaje

ZAKON

O MINISTARSTVIMA I DRUGIM ORGANIMA UPRAVE KANTONA SARAJEVO POGLAVLJE I - OSNOVNE ODREDBE

Član 1.

(Osnivanje kantonalnih organa uprave i upravnih organizacija)

Ovim zakonom osnivaju se organi uprave i upravne organizacije Kantona Sarajevo (u daljnjem tekstu: Kanton), utvrđuje njihov djelokrug i uređuju druga pitanja od značaja za njihovo organizovanje i funkcionisanje.

Član 2.

(Organi koji vrše poslove uprave)

Poslove uprave, stručne i s njima povezane upravne poslove iz okvira nadležnosti Kantona vrše kantonalna ministarstva, kantonalne uprave i kantonalne upravne organizacije, utvrđene ovim zakonom.

Član 3.

(Odnos ministarstva prema upravi, odnosno upravnoj organizaciji u sastavu ministarstva)

U poslovima iz nadležnosti kantonalne uprave, odnosno kantonalne upravne organizacije koje se nalaze u sastavu kantonalnog ministarstva, ministar donosi podzakonske propise i opše akte za izvršavanje kantonalnih zakona iz tih oblasti i vrši upravni nadzor nad radom te uprave, odnosno organizacije, u skladu sa zakonom.

Član 4.

(Odgovornost direktora kantonalne uprave, odnosno kantonalne upravne organizacije)

Direktor kantonalne uprave, odnosno kantonalne upravne organizacije za svoj rad i rad uprave, odnosno upravne organizacije kojom rukovodi odgovoran je i to:

- a) direktor samostalne kantonalne uprave, odnosno samostalne kantonalne upravne organizacije - Vladi Kantona;

- b) direktor kantonalne uprave, odnosno kantonalne upravne organizacije u sastavu kantonalnog ministarstva - ministru i Vladi Kantona.

Član 5.

(Proporcionalna zastupljenost)

- (1) U kantonalnim ministarstvima, kantonalnim upravama i kantonalnim upravnim organizacijama osigurava se proporcionalna zastupljenost konstitutivnih naroda i Ostalih, u skladu s Amandmanom XIX (član 11a.) Ustava Kantona Sarajevo, kao i ravnopravna zastupljenost spolova.
- (2) Gramatička terminologija korištenja muškog roda u ovom zakonu podrazumijeva uključivanje oba roda.

POGLAVLJE II - KANTONALNI ORGANI UPRAVE

Odjeljak A - Kantonalna ministarstva

Član 6.

(Kantonalna ministarstva)

Kantonalna ministarstva su:

- a) Ministarstvo pravde i uprave,
- b) Ministarstvo zdravstva,
- c) Ministarstvo komunalne privrede, infrastrukture, prostornog uređenja, građenja i zaštite okoliša,
- d) Ministarstvo saobraćaja,
- e) Ministarstvo za rad, socijalnu politiku, raseljena lica i izbjeglice,
- f) Ministarstvo unutrašnjih poslova,
- g) Ministarstvo privrede,
- h) Ministarstvo za odgoj i obrazovanje,
- i) Ministarstvo za nauku, visoko obrazovanje i mlade,
- j) Ministarstvo kulture i sporta,
- k) Ministarstvo finansija i
- l) Ministarstvo za boračka pitanja.

Odjeljak B - Djelokrug kantonalnih ministarstava

Član 7.

(Ministarstvo pravde i uprave)

Ministarstvo pravde i uprave vrši upravne i stručne poslove utvrđene ustavom, zakonom i drugim propisima, koji se odnose na ostvarivanje nadležnosti Kantona u oblasti pravosuđa, pravobranilaštva, uprave i lokalne samouprave, poslove upravne inspekcije, poslove davanja mišljenja o usklađenosti zakona i drugih propisa koje donosi Skupština Kantona, Vlada Kantona i rukovodioci kantonalnih organa uprave, sa Evropskom konvencijom o zaštiti ljudskih prava i osnovnih sloboda i drugim instrumentima za zaštitu ljudskih prava, koji imaju pravnu snagu

ustavnih odredaba, kao i druge upravne poslove koji ne spadaju u djelokrug drugog organa uprave Kantona.

Član 8.

(Ministarstvo zdravstva)

Ministarstvo zdravstva vrši upravne i stručne poslove utvrđene ustavom, zakonom i drugim propisima, koji se odnose na ostvarivanje nadležnosti Kantona u oblasti zdravstva.

Član 9.

(Ministarstvo komunalne privrede, infrastrukture, prostornog uređenja, građenja i zaštite okoliša)

- (1) Ministarstvo komunalne privrede, infrastrukture, prostornog uređenja, građenja i zaštite okoliša vrši upravne i stručne poslove utvrđene ustavom, zakonom i drugim propisima, koji se odnose na ostvarivanje nadležnosti Kantona u oblasti komunalnih djelatnosti, komunalne privrede i infrastrukture, te oblasti prostornog uređenja, građenja i zaštite okoliša, utvrđivanja stambene politike, uključujući i donošenje propisa koji se tiču uređivanja i izgradnje, obnove i rekonstrukcije stambenih objekata.
- (2) U sastavu Ministarstva komunalne privrede, infrastrukture, prostornog uređenja, građenja i zaštite okoliša su Uprava za geodetske i imovinsko-pravne poslove i Uprava za stambena pitanja.
- (3) Uprava za geodetske i imovinsko-pravne poslove vrši upravne i druge stručne poslove utvrđene zakonom i drugim propisima, koji se odnose na ostvarivanje nadležnosti Kantona u oblasti geodetskih i imovinsko-pravnih poslova.
- (4) Uprava za stambena pitanja vrši upravne i druge stručne poslove koji se odnose na prvostepeni upravni postupak po zakonima iz oblasti stambenih odnosa i aktima o provođenju tih zakona.

Član 10.

(Ministarstvo saobraćaja)

- (1) Ministarstvo saobraćaja vrši upravne i stručne poslove utvrđene ustavom, zakonom i drugim propisima, koji se odnose na ostvarivanje nadležnosti Kantona u oblasti saobraćaja.
- (2) U sastavu Ministarstva saobraćaja je Direkcija za puteve, kao kantonalna upravna organizacija, koja ima svojstvo pravnog lica.
- (3) Direkcija za puteve vrši stručne poslove pretežno privrednog karaktera i sa njima povezane upravne poslove utvrđene zakonom i drugim propisima, koji se odnose na nadležnosti Kantona u izgradnji, rekonstrukciji, održavanju, zaštiti i upravljanju putevima.

Član 11.

(Ministarstvo za rad, socijalnu politiku, raseljena lica i izbjeglice)

Ministarstvo za rad, socijalnu politiku, raseljena lica i izbjeglice vrši upravne i stručne poslove utvrđene ustavom, zakonom i drugim propisima, koji se odnose na ostvarivanje nadležnosti Kantona u oblasti rada, socijalne politike, raseljenih lica i izbjeglica.

Član 12.

(Ministarstvo unutrašnjih poslova)

- (1) Ministarstvo unutrašnjih poslova vrši upravne i stručne poslove utvrđene ustavom, zakonom i drugim propisima, koji se odnose na ostvarivanje nadležnosti Kantona u oblasti unutrašnjih poslova i poslove inspeksijskog nadzora nad radom agencija za zaštitu ljudi i imovine i unutrašnjih zaštitarskih službi, poslove inspeksijskog nadzora nad sprovođenjem mjera zaštite od požara i poslove inspeksijskog nadzora nad radom općinskih organa uprave nadležnih za vođenje matičnih knjiga i organa starateljstva i civilnim registrom, u skladu sa zakonom i odgovarajućim provedbenim propisima.
- (2) U sastavu Ministarstva unutrašnjih poslova je kantonalna Uprava policije.

- (3) Uprava policije je policijski organ, koji vrši policijske poslove propisane zakonom i ima operativnu samostalnost.

Član 13.

(Ministarstvo privrede)

- (1) Ministarstvo privrede vrši upravne i stručne poslove utvrđene ustavom, zakonom i drugim propisima, koji se odnose na ostvarivanje nadležnosti Kantona u oblasti privrede, vodoprivrede, poljoprivrede, šumarstva i lovstva, veterinarstva, industrije i energetike, obrta, korišćenja prirodnih bogatstava, zaštite vodnih resursa, kantonalnog turizma i turističkih resursa, trgovine i ugostiteljstva.
- (2) U sastavu Ministarstva privrede su Uprava za šumarstvo i Direkcija za turizam.
- (3) Uprava za šumarstvo vrši upravne i druge stručne poslove utvrđene zakonom i drugim propisima, koji se odnose na ostvarivanje nadležnosti Kantona u oblasti šumarstva.
- (4) Direkcija za turizam vrši stručne i s njima povezane upravne poslove utvrđene zakonom i drugim propisima, koji se odnose na ostvarivanje nadležnosti Kantona u oblasti turizma i turističkih resursa Kantona.

Član 14.

(Ministarstvo za odgoj i obrazovanje)

Ministarstvo za odgoj i obrazovanje vrši upravne i stručne poslove utvrđene ustavom, zakonom i drugim propisima, koji se odnose na ostvarivanje nadležnosti Kantona u oblasti predškolskog, osnovnog i srednjeg obrazovanja, kao i obrazovanja odraslih.

Član 15.

(Ministarstvo za nauku, visoko obrazovanje i mlade)

Ministarstvo za nauku, visoko obrazovanje i mlade vrši upravne i stručne poslove utvrđene ustavom, zakonom i drugim propisima, koji se odnose na ostvarivanje nadležnosti Kantona u oblasti nauke, visokog obrazovanja i mladih.

Član 16.

(Ministarstvo kulture i sporta)

Ministarstvo kulture i sporta vrši upravne i stručne poslove utvrđene ustavom, zakonom i drugim propisima, koji se odnose na ostvarivanje nadležnosti Kantona u oblasti kulture i sporta.

Član 17.

(Ministarstvo finansija)

Ministarstvo finansija vrši upravne i stručne poslove utvrđene ustavom, zakonom i drugim propisima, koji se odnose na ostvarivanje nadležnosti Kantona u oblasti finansija i poslove budžetske inspekcije.

Član 18.

(Ministarstvo za boračka pitanja)

Ministarstvo za boračka pitanja vrši upravne i stručne poslove utvrđene ustavom, zakonom i drugim propisima, koji se odnose na ostvarivanje nadležnosti Kantona u oblasti zaštite branioca, dobrovoljaca i organizatora otpora, veterana, učesnika rata, ratnih vojnih invalida, mirnodopskih vojnih invalida, porodica šehida i porodica poginulog, umrlog, nestalog branioca i nosioca najvećih ratnih priznanja, ratnih vojnih zarobljenika i učesnika Narodnooslobodilačkog antifašističkog rata 1941.-1945. godine, na području Kantona, vođenje i podržavanje aktivnosti na očuvanju tekovina odbrambeno-oslobodilačkog rata 1992-1995. godine, održavanju manifestacija i drugih sličnih projekata.

Odjeljak C - Samostalne kantonalne uprave

Član 19.

(Samostalne kantonalne uprave)

Samostalne kantonalne uprave su:

- a) Kantonalna uprava za inspeksijske poslove i
- b) Kantonalna uprava civilne zaštite.

Član 20.

(Kantonalna uprava za inspeksijske poslove)

- (1) Kantonalna uprava za inspeksijske poslove vrši inspeksijske poslove iz nadležnosti kantonalnih inspekcija

- koje su organizovane u njenom sastavu i druge upravne i stručne poslove, u skladu sa zakonom i drugim propisima.
- (2) Kantonalne inspekcije u sastavu Kantonalne uprave za inspeksijske poslove su:
- a) tržišno - turistička inspekcija (tržna inspekcija i turističko-ugostiteljska inspekcija);
 - b) zdravstvena inspekcija;
 - c) farmaceutska inspekcija;
 - d) sanitarna inspekcija;
 - e) inspekcija za hranu;
 - f) inspekcija rada (inspekcija rada, inspekcija zaštite na radu i inspekcija socijalne zaštite);
 - g) urbanističko-ekološka inspekcija (urbanističko-građevinska inspekcija, stambena inspekcija, inspekcija zaštite okoliša, inspekcija zaštite prirode i inspekcija za zaštitu dobara baštine);
 - h) saobraćajna inspekcija (inspekcija drumskog saobraćaja i inspekcija za ceste),
 - i) poljoprivredna inspekcija;
 - j) šumarsko-lovna inspekcija;
 - k) vodna inspekcija;
 - l) veterinarska inspekcija;
 - m) tehnička inspekcija (elektroenergetska inspekcija, termoelektrična inspekcija, rudarska inspekcija i geološka inspekcija);
 - n) komunalna inspekcija;
 - o) prosvjetna inspekcija i
 - p) inspekcija za sport.

Član 21.

(Djelokrug Kantonalne uprave civilne zaštite)

- (1) Kantonalna uprava civilne zaštite vrši upravne i stručne poslove utvrđene zakonom i drugim propisima, koje se odnose na ostvarivanje nadležnosti Kantona u oblasti zaštite i spašavanja, zaštite od požara i vatrogastvo i poslove inspekcije civilne zaštite, inspekcije za zaštitu od požara i inspekcije za vatrogastvo, u skladu sa zakonom.
- (2) U sastavu Kantonalne uprave civilne zaštite organizuje se, kao posebna organizaciona jedinica, profesionalna vatrogasna jedinica Kantona Sarajevo, sa djelokrugom utvrđenim zakonom.

POGLAVLJE III - SAMOSTALNE KANTONALNE UPRAVNE ORGANIZACIJE**Odjeljak A - Vrste samostalnih upravnih organizacija**

Član 22.

(Samostalne kantonalne upravne organizacije)

- (1) Samostalne kantonalne upravne organizacije su:
- a) Zavod za planiranje razvoja Kantona Sarajevo,
 - b) Zavod za izgradnju Kantona Sarajevo,
 - c) Zavod za informatiku i statistiku Kantona Sarajevo,
 - d) Direkcija za robne rezerve Kantona Sarajevo,
 - e) Kantonalni zavod za pružanje besplatne pravne pomoći.
- (2) Samostalne upravne organizacije iz stava (1) ovog člana imaju svojstvo pravnog lica.

Odjeljak B - Djelokrug samostalnih upravnih organizacija

Član 23.

(Zavod za planiranje razvoja Kantona Sarajevo)

Zavod za planiranje razvoja Kantona Sarajevo vrši određene stručne i druge poslove koji pretežno zahtijevaju primjenu stručnih i naučnih metoda rada i sa njima povezane upravne poslove, koji se odnose na:

- a) planiranje prostornog i društveno-ekonomskog razvoja Kantona;
- b) izradu, čuvanje i stavljanje na stalni javni uvid planova prostornog uređenja i davanje stručnih mišljenja i informacija u postupku izdavanja urbanističke saglasnosti, u skladu sa zakonom;

- c) rad i razvoj geografsko-informacionog sistema Kantona, koji se odnosi na nadležnosti Kantona u oblasti planiranja razvoja;
- d) vršenje drugih stručnih poslova utvrđenih zakonom i drugim propisima, odlukama Vlade Kantona i Skupštine Kantona.

Član 24.

(Zavod za izgradnju Kantona Sarajevo)

Zavod za izgradnju Kantona Sarajevo (u daljnjem tekstu: Zavod) vrši određene stručne i druge poslove, u ime i za račun Kantona, koji pretežno zahtijevaju primjenu stručnih i naučnih metoda rada i sa njima povezane upravne poslove, koji se odnose na:

- a) realizaciju projekata građenja od interesa za Kanton, počevši od podnošenja prijedloga za eksproprijaciju nekretnina i zahtjeva za preuzimanje i dodjelu potrebnog zemljišta, do dobijanja upotrebne dozvole,
- b) pripremanje i opremanje građevinskog zemljišta koje mu odlukom ili ugovorom povjere općine u Kantonu i Grad Sarajevo,
- c) opremanje građevinskog zemljišta za građenje prema uslovima iz urbanističke saglasnosti koju izdaje Ministarstvo komunalne privrede, infrastrukture, prostornog uređenja, građenja i zaštite okoliša,
- d) usluge stručnog nadzora za potrebe organa uprave i upravnih organizacija Kantona, te drugih organa na nivou Kantona, Grada Sarajeva ili općine na području Kantona, javnih ustanova i javnih preduzeća čiji su osnivači Kanton, Grad Sarajevo ili općine na području Kantona, te privrednih društava u kojima Kanton učestvuje sa više od 50% ukupnog kapitala, a koji se odnosi na: izgradnju, rekonstrukciju, sanaciju, održavanje i uklanjanje objekata visokogradnje, izgradnju, rekonstrukciju, sanaciju, održavanje i uklanjanje objekata niskogradnje, izgradnju, rekonstrukciju, sanaciju, održavanje i uklanjanje objekata hidrogradnje, utvrđivanje postojanja, sanaciju, rekonstrukciju, održavanje i monitoring klizišta, izgradnju, rekonstrukciju, sanaciju, održavanje elektroinstalacija, izgradnju, rekonstrukciju, sanaciju i održavanje mašinskih instalacija, izgradnju, rekonstrukciju, sanaciju i održavanje hortikulturnog uređenja,
- e) uspostavljanje, vođenje i ažuriranje analognog i digitalnog katastra komunalnih uređaja,
- f) upravljanje i raspolaganje imovinom Zavoda u skladu s namjenom utvrđenom zakonom,
- g) evidentiranje i naplata po osnovu rješenja za posebnu naknadu bespravno izgrađenih objekata koje ispostavljaju nadležni organi;
- h) zastupanje u upravnim i sudskim postupcima koji proizilaze iz obavljanja poslova iz djelokruga Zavoda;
- i) vršenje drugih stručnih poslova utvrđenih zakonom i drugim propisima, odlukama Vlade Kantona i Skupštine Kantona.

Član 25.

(Zavod za informatiku i statistiku Kantona Sarajevo)

Zavod za informatiku i statistiku Kantona Sarajevo vrši stručne i druge poslove koji pretežno zahtijevaju primjenu stručnih i naučnih metoda rada i sa njima povezane upravne poslove iz oblasti informatike i statistike, kao i druge poslove, koji se odnose na:

- a) planiranje i razvoj jedinstvenog informacionog prostora Kantona, Grada Sarajeva i općina na području Kantona, zasnovanog na elektronskoj obradi podataka i usmjerenog prema korisnicima,
- b) razvoj i upravljanje integralnim računarskim sistemom organa uprave, upravnih organizacija i

- stručnih službi Kantona, uključujući infrastrukturu, internet i internet prisustvo, elektronsku poštu i elektronsko upravljanje dokumentima,
- c) analizu, dokumentovanje, optimizaciju poslovnih procesa i razvoj projekata za organe uprave, upravne organizacije i stručne službe Kantona,
- d) pripremu, izradu nacrtu i provođenje programa statističkih istraživanja od interesa za Kanton koji postoje kao obaveza u okviru programa statističkih istraživanja,
- e) organizovanje i provođenje statističkih istraživanja od značaja za praćenje ekonomskog razvoja Kantona Sarajevo, kao i obradu statističke građe za potrebe Vlade, organa uprave, upravnih organizacija i stručnih službi Kantona, u skladu sa Zakonom o statistici u Federaciji Bosne i Hercegovine,
- f) analizu, obradu, objavljivanje i ažuriranje statističkih podataka, te izdavanje statističkih mjesečnih i godišnjih biltena i godišnjaka Kantona,
- g) vršenje drugih stručnih poslova utvrđenih zakonom i drugim propisima, odlukama Vlade Kantona i Skupštine Kantona.

Član 26.

(Direkcija za robne rezerve Kantona Sarajevo)

Direkcija za robne rezerve Kantona Sarajevo vrši stručne poslove pretežno privrednog karaktera i sa njima povezane upravne poslove iz nadležnosti Kantona, koji se odnose na:

- a) nabavku, uskladištenje, distribuciju i transport robnih rezervi Kantona (osnovni poljoprivredno-prehrambeni proizvodi, nafta, naftni derivati i dr.);
- b) intervencije na tržištu, u slučaju poremećaja u snabdjevanju ili nekontrolisanog rasta cijena osnovnih prehrambenih proizvoda, nafte i naftnih derivata;
- c) distribuciju roba iz robnih rezervi krajnjim korisnicima;
- d) nabavku i distribuciju roba za potrebe javnih kuhinja i drugih humanitarnih organizacija na području Kantona, u skladu sa zahtjevima Vlade Kantona i nadležnih kantonalnih ministarstava;
- e) vršenje drugih stručnih poslova utvrđenih zakonom i drugim propisima, odlukama Vlade Kantona i Skupštine Kantona.

Član 27.

(Kantonalni zavod za pružanje besplatne pravne pomoći)

Kantonalni zavod za pružanje besplatne pravne pomoći vrši upravne i stručne poslove koji se odnose na pružanje besplatne pravne pomoći građanima lošeg imovinskog stanja, na način i pod uslovima utvrđenim zakonom kojim se reguliše pružanje besplatne pravne pomoći.

POGLAVLJE IV - PRIJELAZNE I ZAVRŠNE ODREDBE

Član 28.

(Nastavljanje vršenja poslova)

Stupanjem na snagu ovog zakona, ministarstva, kantonalne uprave i kantonalne upravne organizacije iz ovog zakona nastavljaju vršiti upravne, stručne, inspeksijske i druge poslove koje su vršila istoimena ministarstva, kantonalne uprave i kantonalne upravne organizacije do stupanja na snagu ovog zakona, sa djelokrugom utvrđenim ovim zakonom.

Član 29.

(Nastavljanje obavljanja funkcije)

Stupanjem na snagu ovog zakona, rukovodioci ministarstava, kantonalnih uprava i kantonalnih upravnih organizacija, imenovani, odnosno postavljeni do stupanja na snagu ovog zakona, nastavljaju obavljati funkciju rukovodilaca tih kantonalnih organa.

Član 30.

(Prestanak važenja ranijeg Zakona)

Stupanjem na snagu ovog zakona prestaje da važi Zakon o ministarstvima i drugim organima uprave Kantona Sarajevo ("Službene novine Kantona Sarajevo", broj 36/21).

Član 31.

(Stupanje na snagu)

Ovaj zakon stupa na snagu narednog dana od dana objavljivanja u "Službenim novinama Kantona Sarajevo".

Broj 01-02-40904/22

04. oktobra 2022. godine
Sarajevo

Predsjedavajući

Skupštine Kantona Sarajevo
Elvedin Okerić, s. r.

Na osnovu čl. 13. stav 1. tačka e) i 18. tačka b) Ustava Kantona Sarajevo ("Službene novine Kantona Sarajevo", br. 1/96, 2/96, 3/96, 16/97, 14/00, 4/01, 28/04, 6/13 i 31/17) i člana 8. Zakona o osnovama socijalne zaštite, zaštite civilnih žrtava rata i zaštite porodice sa djecom ("Službene novine Federacije BiH", br. 36/99, 54/04, 39/06, 14/09, 45/16 i 40/18), Skupština Kantona Sarajevo, na 55. Radnoj sjednici održanoj dana 04.10.2022. godine, donijela je

ZAKON**O IZMJENAMA I DOPUNAMA ZAKONA O
SOCIJALNOJ ZAŠTITI, ZAŠTITI CIVILNIH ŽRTAVA
RATA I ZAŠTITI PORODICE SA DJECOM**

Član 1.

U Zakonu o socijalnoj zaštiti, zaštiti civilnih žrtava rata i zaštiti porodice sa djecom ("Službene novine Kantona Sarajevo", broj 38/14 - Prečišćeni tekst, 38/16, 44/17, 28/18 i 52/21) u Glavi VI - ZAŠTITA PORODICE SA DJECOM, naziv Odjeljka: "1. Dodatak na djecu" mijenja se i glasi: "1. Dodatak na djecu i dječiji dodatak za vrijeme redovnog studiranja".

Član 2.

U članu 132. stav 1. mijenja se i glasi:

"Nezavisno od prava na dječiji dodatak propisanog u Zakonu o materijalnoj podršci porodicama s djecom u Federaciji Bosne i Hercegovine ("Službene novine Federacije BiH", broj 52/22) (u daljem tekstu: Zakon o materijalnoj podršci), dijete, odnosno porodica koji imaju prebivalište u Kantonu najmanje godinu dana prije podnošenja zahtjeva, ovim zakonom ostvaruju sljedeća prava:

- dodatak na djecu,
- dječiji dodatak za vrijeme redovnog studiranja."

U stavu 2. iza riječi: "ostvariti" dodaje se riječ: "dijete".

Iza stava 4. dodaje se novi stav 5. koji glasi:

"Vezano za ostvarivanje prava na dodatak na djecu, porodicom se smatra porodica definisana Zakonom o materijalnoj podršci."

Član 3.

Čl. 133., 134. i 135. brišu se.

Član 4.

"Član 136.

Pravo na dodatak na djecu bez obzira na prihode, pripada djetetu bez jednog ili oba roditelja, te porodici:

- u kojoj je jedan od roditelja ili dijete ima utvrđen invaliditet od najmanje 90%,
- koja ima dijete ometeno u fizičkom ili psihičkom razvoju, što se dokazuje pravosnažnim rješenjem donijetim u skladu sa pravilnikom koji propisuje utvrđivanje preostale sposobnosti i razvrstavanju djece i omladine ometene u psiho-fizičkom razvoju,
- koja ima dijete oboljelo od karcinoma, šećerne bolesti, leukemije, TBC, celijakije, kronov bolesti, ulceroznog kolitisa, hepatitisa B i C, epilepsije ili dijete sa poremećajem autističnog spektra,
- čiji je jedan od roditelja korisnik stalne novčane pomoći.

PRILOZI

USTAV KANTONA SARAJEVO

("Službene novine Kantona Sarajevo", br. 1/96, 2/96, 3/96, 16/97, 14/00, 4/01, 28/04, 6/13 i 31/17)

Član 18

Nadležnosti Skupštine

Skupština Kantona:

- a) priprema i dvotrećinskom većinom usvaja Ustav Kantona;*
- b) donosi zakone i druge propise u okviru izvršavanja nadležnosti Kantona, izuzev propisa koji su ovim Ustavom ili zakonom dati u nadležnost Vlade Kantona;*
- c) _____¹*
- d) utvrđuje politiku i donosi programe razvoja Kantona;*
- e) potvrđuje Vladu Kantona²;*
- f) _____³*
- g) _____⁴*
- h) usvaja budžet Kantona i donosi zakone o oporezivanju i na drugi način osigurava potrebno finansiranje;*
- i) bira zastupnike u Dom naroda Federacije sukladno Ustavu Federacije;*
- j) odlučuje o prijenosu ovlaštenja Kantona na općinu, Grad⁵ i Federaciju;*
- k) odobrava zaključivanje ugovora i sporazuma u oblasti međunarodnih odnosa i međunarodne suradnje;*
- l) provodi istragu sukladno ovom Ustavu i posebnim propisima;*
- m) vrši i druge poslove utvrđene federalnim propisima, ovim Ustavom i kantonalnim propisima.*

Član 30

Organizacija uprave

Organizacija Vlade utvrđuje se zakonom Kantona sukladno ovom Ustavu.

Zakonom Kantona, sukladno načelima i principima organizacije uprave, utvrđuje se ukupna organizacija kantonalne uprave.

ZAKON O ORGANIZACIJI ORGANA UPRAVE U FEDERACIJI BOSNE I HERCEGOVINE

("Službene novine Federacije Bosne i Hercegovine", broj 35/05)

Član 46.

Kantonalni organi uprave i kantonalne upravne organizacije osnivaju se i ukidaju i njihov djelokrug utvrđuje kantonalnim zakonom o organizaciji i djelokrugu kantonalnih organa uprave i upravnih organizacija, u skladu sa ovim Zakonom i kantonalnim zakonom.

Član 73.

Ako dođe do ukidanja organa uprave ili upravne organizacije, ili do prenošenja određenih poslova iz nadležnosti jednog organa uprave ili upravne organizacije u nadležnost drugog organa uprave ili upravne organizacije, u tom slučaju organ uprave ili upravna organizacija koji preuzima poslove ukinutog organa, odnosno koji preuzima određene poslove iz nadležnosti drugog organa ili upravne

1 Tačka c) brisana je Amandmanom XXI ("Službene novine Kantona Sarajevo", broj 28/04)

2 Tačka e) izmjenjena je Amandmanom XXI ("Službene novine Kantona Sarajevo", broj 28/04)

3 Tačka f) brisana je Amandmanom XXI ("Službene novine Kantona Sarajevo", broj 28/04)

4 Tačka g) brisana je Amandmanom XXI ("Službene novine Kantona Sarajevo", broj 28/04)

5 Riječ "općine" zamijenjena je riječima: "općinu, Grad" Amandmanom III ("Službene novine Kantona Sarajevo", broj 16/97)

organizacije, preuzima i državne službenike i namještenike koji su radili na tim poslovima do dana ukidanja organa, odnosno do dana prenošenja poslova.

Radno-pravni status državnih službenika i namještenika iz stava 1. ovog člana rješava se prema pravilniku o unutrašnjoj organizaciji organa uprave i upravne organizacije koji preuzimaju poslove ukinutog organa uprave i upravne organizacije, odnosno određene poslove iz nadležnosti drugog organa uprave ili upravne organizacije. Pitanje prekobrojnih državnih službenika i namještenika rješava se prema zakonu kojim je reguliran radno-pravni status državnih službenika, odnosno namještenika.

ODREDBE ZAKONA KOJE SE MIJENJAJU I DOPUNJUJU

Zakon o ministarstvima i drugim organima uprave Kantona Sarajevo (“Službene novine Kantona Sarajevo”, broj 40/22)

Član 9.

(Ministarstvo komunalne privrede, infrastrukture, prostornog uređenja, građenja i zaštite okoliša)

(1) Ministarstvo komunalne privrede, infrastrukture, prostornog uređenja, građenja i zaštite okoliša vrši upravne i stručne poslove utvrđene ustavom, zakonom i drugim propisima, koji se odnose na ostvarivanje nadležnosti Kantona u oblasti komunalnih djelatnosti, komunalne privrede i infrastrukture, te oblasti prostornog uređenja, građenja i zaštite okoliša, utvrđivanja stambene politike, uključujući i donošenje propisa koji se tiču uređivanja i izgradnje, obnove i rekonstrukcije stambenih objekata.

(2) U sastavu Ministarstva komunalne privrede, infrastrukture, prostornog uređenja, građenja i zaštite okoliša su Uprava za geodetske i imovinsko-pravne poslove i Uprava za stambena pitanja.

(3) Uprava za geodetske i imovinsko-pravne poslove vrši upravne i druge stručne poslove utvrđene zakonom i drugim propisima, koji se odnose na ostvarivanje nadležnosti Kantona u oblasti geodetskih i imovinsko-pravnih poslova.

(4) Uprava za stambena pitanja vrši upravne i druge stručne poslove koji se odnose na prvostepeni upravni postupak po zakonima iz oblasti stambenih odnosa i aktima o provođenju tih zakona.

Član 19.

(Samostalne kantonalne uprave)

Samostalne kantonalne uprave su:

- a) Kantonalna uprava za inspekcijske poslove i*
- b) Kantonalna uprava civilne zaštite.*

Član 20.

(Kantonalna uprava za inspekcijske poslove)

(1) Kantonalna uprava za inspekcijske poslove vrši inspekcijske poslove iz nadležnosti kantonalnih inspekcija koje su organizovane u njenom sastavu i druge upravne i stručne poslove, u skladu sa zakonom i drugim propisima.

(2) Kantonalne inspekcije u sastavu Kantonalne uprave za inspekcijske poslove su:

- a) tržišno - turistička inspekcija (tržna inspekcija i turističko-ugostiteljska inspekcija);*
- b) zdravstvena inspekcija;*
- c) farmaceutska inspekcija;*
- d) sanitarna inspekcija;*
- e) inspekcija za hranu;*
- f) inspekcija rada (inspekcija rada, inspekcija zaštite na radu i inspekcija socijalne zaštite);*
- g) urbanističko-ekološka inspekcija (urbanističko-građevinska inspekcija, stambena inspekcija, inspekcija zaštite okoliša, inspekcija zaštite prirode i inspekcija za zaštitu dobara baštine);*
- h) saobraćajna inspekcija (inspekcija drumskog saobraćaja i inspekcija za ceste),*
- i) poljoprivredna inspekcija;*
- j) šumarsko-lovna inspekcija;*
- k) vodna inspekcija;*
- l) veterinarska inspekcija;*
- m) tehnička inspekcija (elektroenergetska inspekcija, termoeenergetska inspekcija, rudarska inspekcija i geološka inspekcija);*
- n) komunalna inspekcija;***
- o) prosvjetna inspekcija i*
- p) inspekcija za sport.*